

夫...言指者以...反...之律

夫...言指者以...反...之律

夫...言指者以...反...之律

夫...言指者以...反...之律

夫...言指者以...反...之律

夫...言指者以...反...之律

夫...言指者以...反...之律

夫...言指者以...反...之律

夫...言指者以...反...之律

夫...言指者以...反...之律

夫...言指者以...反...之律

夫...言指者以...反...之律

夫...言指者以...反...之律

夫...言指者以...反...之律

夫...言指者以...反...之律

漢司馬遷撰·會合口三家注

# 新校史記三家注

(三)

史記卷之...  
後居思居

漢 司馬遷撰

會合三家注

# 新校史記三家注

紀十二卷表十卷

書八卷世家三十卷  
傳六十九卷自序一卷

第三冊 卷廿八至卷三十（書）卷卅一至卷五十四（世家）

世界書局

**新校史記三家注** / (漢)司馬遷撰；會合三家注  
--六版. --臺北市：  
世界，1983〔民72〕  
冊；公分----（中國學術名著·史學名著）  
ISBN：978-957-06-0037-7（一套：平裝）  
1. 史記－註釋

610.11

82009789

中國學術名著 史學名著

# 新校史記三家注

第三冊

621  
1140

撰 者 / (漢)司馬遷撰·會合三家注

主 編 者 / 楊家駱

發 行 人 / 閻 初

發 行 者 / 世界書局股份有限公司

登 記 證 / 行政院新聞局局版臺業字第〇九三一號

地 址 / 臺北市重慶南路一段九十九號

電 話 / (〇二)二二二一〇一八三

傳 真 / (〇二)二二二二七九六三

網 址 / [www.worldbook.com.tw](http://www.worldbook.com.tw)

劃撥帳號 / 〇〇〇五八四三七 世界書局

出版日期 / 二〇一一年五月六版五刷

定 價 / 三九〇〇元

◎版權所有·翻印必究

◎本書如有缺頁、倒裝，請寄回更換

# 史記卷二十八

## 封禪書第六

〔正義〕此泰山上築土爲壇以祭天，報天之功，故曰封。此泰山下小山上除地，報地之功，故曰禪。言禪者，神之也。白虎通云：「或曰封者，金泥銀繩，或曰石泥金繩，封之印璽也。」五經通義云：「易姓而王，致太平，必封泰山，禪梁父，（荷）（何）？天命以爲王，使理羣生，告太平於天，報羣神之功。」

自古受命帝王，曷嘗不封禪？蓋有無其應而用事者矣，未有睹符瑞見而不臻乎泰山者也。雖受命而功不至，至梁父矣而德不洽，洽矣而日有不暇給，是以卽事用希。傳曰：「三年不爲禮，禮必廢；三年不爲樂，樂必壞。」每世之隆，則封禪答焉，及衰而息。厥曠遠者千有餘載，近者數百載，故其儀闕然堙滅，其詳不可得而記聞云。

尚書曰，舜在璇璣玉衡，以齊七政。遂類于上帝，禋于六宗，望山川，徧羣神。輯五瑞，擇吉月日，見四嶽諸牧，還瑞。〔一〕歲二月，東巡狩，至于岱宗。岱宗，泰山也。〔二〕柴，望秩于

山川。遂觀東后。東后者，諸侯也。合時月正日，同律度量衡，修五禮，五玉三帛，二生一死，贄。五月，巡狩至南嶽。南嶽，衡山也。<sup>〔三〕</sup>八月，巡狩至西嶽。西嶽，華山也。<sup>〔四〕</sup>十一月，巡狩至北嶽。北嶽，恆山也。<sup>〔五〕</sup>皆如岱宗之禮。中嶽，嵩高也。<sup>〔六〕</sup>五載一巡狩。

〔一〕集解 徐廣曰：「還，一作『班』。」

〔二〕正義 括地志云：「泰山，一曰岱宗，東岳也，在兗州博城縣西北三十里。周禮云兗州鎮曰岱宗。」

〔三〕正義 括地志云：「衡山，一名岫嶺山，在衡州湘潭縣西四十里。」

〔四〕正義 括地志云：「華山在華州華陰縣南八里，古文以爲敦物。周禮云豫州鎮曰華山。」

〔五〕正義 括地志云：「恆山在定州恆陽縣西北四十里。周禮云并州鎮曰恆山。」

〔六〕索隱 獨不言「至」者，蓋以天子所都也。正義 括地志云：「嵩山，亦名曰太室，亦名曰外方也。在洛州陽城

縣西北二十三里。」

禹遵之。後十四世，至帝孔甲，淫德好神，神瀆，二龍去之。<sup>〔一〕</sup>其後三世，湯伐桀，欲遷夏社，不可，作夏社。後八世，至帝太戊，有桑穀生於廷，一暮大拱，懼。伊陟曰：「<sup>〔二〕</sup>妖不勝德。」太戊修德，桑穀死。伊陟贊巫咸，巫咸之興自此始。<sup>〔三〕</sup>後十四世，帝武丁得傳說爲相，殷復興焉，稱高宗。有雉<sup>〔四〕</sup>登鼎耳雊，武丁懼。祖己曰：「修德。」武丁從之，位以永寧。後五世，帝武乙慢神而震死。<sup>〔五〕</sup>後二世，帝紂淫亂，武王伐之。由此觀之，始末嘗不肅

祇，後稍怠慢也。

〔一〕索隱如淳按：國語「二龍蔽于夏庭」是也。

〔二〕集解徐廣曰：「陟，古作『敕』。」

〔三〕索隱案尚書，巫咸殷臣名，伊陟贊告巫咸。今此云「巫咸之興自此始」，則以巫咸爲巫覡。然楚詞亦以巫咸主神。蓋太史公以巫咸是殷臣，以巫接神事，太戊使禳桑穀之災，所以伊陟贊巫咸，故云巫咸之興自此始也。

〔四〕集解徐廣曰：「一作『鶴』，音嬌。」

〔五〕索隱謂武乙射天，後獵於河渭而震死也。

周官曰，冬至，祀天於南郊，迎長日之至；夏至，祭地祇。皆用樂舞，而神乃可得而禮也。天子祭天下名山大川，五嶽視三公，四瀆視諸侯，諸侯祭其疆內名山大川。四瀆者，江、河、淮、濟也。天子曰明堂、辟雍，〔一〕諸侯曰泮宮。〔二〕

〔一〕集解韋昭曰：「水外四周圓如辟雍，蓋以節觀者也。」

〔二〕集解張晏曰：「制度半於天子之辟雍。」

宮。禮統又云「半有水，半有宮」是也。

〔三〕索隱按：服虔云「天子水币，爲辟雍。諸侯水不币，至半，爲泮」。

周公既相成王，郊祀后稷以配天，〔一〕宗祀文王於明堂以配上帝。〔二〕自禹興而修社祀，后稷稼穡，故有稷祠，郊社所從來尙矣。

〔一〕集解 王肅曰：「配天，於南郊祀之。」

〔二〕集解 鄭玄曰：「上帝者，天之別名也。神無二主，故異其處，避后稷也。」

自周克殷後十四世，世益衰，禮樂廢，諸侯恣行，而幽王爲犬戎所敗，〔一〕周東徙 維也邑。秦襄公攻戎救周，始列爲諸侯。〔二〕秦襄公既侯，居西垂，〔三〕自以爲主少隍之神，作西時，祠白帝，其牲用騊駼。〔四〕黃牛 羝羊各一云。〔五〕其後十六年，秦文公東獵汧 渭之間，卜居之而吉。〔六〕文公夢黃蛇自天下屬地，其口止於郿衍。〔七〕文公問史敦，敦曰：「此上帝之徵，君其祠之。」於是作郿時，用二牲郊祭白帝焉。

〔一〕集解 徐廣曰：「犬，一作『吠』。」

〔二〕正義 秦襄公 周平王元年封也。

〔三〕正義 漢 隴西郡 西縣也。今在秦州 上邽縣西南九十里也。

〔四〕索隱 赤馬 黑驘曰騊也。

〔五〕索隱 詩傳云：「羝，牡羊。」

〔六〕索隱 按：地理志汧水出汧縣西北入渭。皇甫謐云：「文公徙都汧」者也。

郿縣東北十五里，卽此城也。

〔七〕集解 李奇曰：「郿音孚。山阪曰衍。」索隱 郿，地名，後爲縣，屬馮翊。衍者，鄭衆注周禮云「下平曰衍」；又

李奇 三輔記云：「三輔謂山阪爲衍」也。

自未作酈時也，而雍旁故有吳陽武時，(二)雍東有好時，皆廢無祠。或曰：「自古以雍州積高，神明之隩，故立時郊上帝，諸神祠皆聚云。蓋黃帝時嘗用事，雖晚周亦郊焉。」其語不經見，縉紳者(三)不道。

〔一〕集解 李奇曰：「於旁有吳陽地。」

〔二〕集解 李奇曰：「縉，插也，插笏於紳。紳，大帶。」索隱 姚氏云「縉，當作『摺』」。鄭衆注周禮云「縉讀爲『薦』」，謂薦之於紳帶之間。今按：鄭意以縉爲薦，則薦亦是進，進而置於紳帶之間，故史記亦多作「薦」字也。

作酈時後九年，文公獲若石云，(二)于陳倉北阪城祠之。(三)其神或歲不至，或歲數來，來也常以夜，光輝若流星，從東南來集于祠城，則若雄雞，其聲殷云，野雞夜雊。(三)以一牢祠，命曰陳寶。(四)

〔一〕集解 蘇林曰：「質如石也。」服虔曰：「在北，或曰在陳倉北。」索隱 蘇林云：「質如石，似肺。」

〔二〕正義 三秦記云：「太白山西有陳倉山，山有石雞，與山雞不別。趙高燒山，山雞飛去，而石雞不去，晨鳴山頭，聲聞三里。或言是玉雞。」括地志云：「陳倉山在今岐州陳倉縣南。」又云：「寶雞神祠在漢陳倉縣故城中，今陳倉

縣東。石雞在陳倉山上。」祠在陳倉城，故言獲若石于陳倉北阪城祠之。

〔三〕集解 如淳曰：「野雞，雉也。」呂后名雉，故曰野雞。」瓚曰：「殷，聲也。云，足句之詞。」

〔四〕集解 瓚曰：「陳倉縣有寶夫人祠，或一歲二歲與葉君合。葉君神來時，天爲之殷殷雷鳴，雉爲之雊也。在長安正西五百里。」章昭曰：「在陳倉縣。寶而祠之，故曰陳寶。」索隱 案：列異傳云「陳倉人得異物以獻之，道遇

二童子，云：「此名爲媼，在地下食死人腦。」媼乃言云：「彼二童子名陳寶，得雄者王，得雌者伯。」乃逐童子，化爲雉。秦穆公大獵，果獲其雌，爲立祠。祭，有光，雷電之聲。雌止南陽，有赤光長十餘丈，來入陳倉祠中。所以代俗謂之寶夫人祠，抑有由也。葉，縣名，在南陽。葉君即雄雉之神，故時與寶夫人神合也。

作鄜時後七十八年，秦德公既立，卜居雍，後子孫飲馬於河，遂都雍。雍之諸祠自此興。用三百牢於鄜時。(一)作伏祠。(二)磔狗邑四門，以禦蠱苗。(三)

(一)案：案本紀，德公元年以犧三百祠鄜時。今案：「百」當爲「白」，秦君西祀少昊時性尙白。秦，諸侯也，雖奢修，祭郊本特性，不可用三百牢以祭天，蓋字誤耳。

(二)案：案：服虔云「周時無伏，磔犬以禦災，秦始作之」。漢書禮志云「伏者，萬鬼行日，故閉不干求也」，故東觀漢記「和帝初令伏閉晝日」是也。又曆忌釋曰「伏者何？金氣伏藏之名。四時代謝，皆以相生。而春木代水，水生木也。夏火代木，木生水也。冬水代金，金生水也。至秋，則以金代火，金畏於火，故至庚日必伏。庚者，金日也」。

(三)案：案：左傳云「皿蟲爲蠱」，臬磔之鬼亦爲蠱。故月令云「大儺，旁磔」，注云「磔，禳也。厲鬼爲蠱，將出害人，旁磔於四方之門」。故此亦磔狗邑四門也。風俗通云「殺犬磔禳也」。

德公立二年卒。其後(六)(四)年，秦宣公作密時於渭南，祭青帝。

其後十四年，秦繆公立，病臥五日不寤；寤，乃言夢見上帝，上帝命繆公平晉亂。史書而記載之。而後世皆曰秦繆公上天。

秦繆公卽位九年，齊桓公旣霸，會諸侯於葵丘，<sup>(一)</sup>而欲封禪。管仲曰：<sup>(二)</sup>「古者封泰山禪梁父者，<sup>(三)</sup>七十二家，<sup>(四)</sup>而夷吾所記者十有二焉。昔無懷氏<sup>(五)</sup>封泰山，禪云云；<sup>(六)</sup>慮羲封泰山，禪云云；<sup>(七)</sup>神農封泰山，禪云云；<sup>(八)</sup>炎帝<sup>(七)</sup>封泰山，禪云云；<sup>(九)</sup>黃帝封泰山，禪亭<sup>(八)</sup>；<sup>(一〇)</sup>顓頊封泰山，禪云云；<sup>(一一)</sup>帝侖封泰山，禪云云；<sup>(一二)</sup>堯封泰山，禪云云；<sup>(一三)</sup>舜封泰山，禪云云；<sup>(一四)</sup>禹封泰山，禪會稽；<sup>(一五)</sup>湯封泰山，禪云云；<sup>(一六)</sup>周成王封泰山，禪社首；<sup>(一七)</sup>皆受命然後得封禪。」桓公曰：「寡人北伐山戎，<sup>(一八)</sup>過孤竹；<sup>(一九)</sup>西伐大夏，涉流沙，束馬懸車，上卑耳之山；<sup>(二〇)</sup>南伐至召陵，<sup>(二一)</sup>登熊耳山，<sup>(二二)</sup>以望江漢。兵車之會二，<sup>(二三)</sup>而乘車之會六，<sup>(二四)</sup>九合諸侯，一匡天下，諸侯莫違我。昔三代受命，亦何以異乎？」於是管仲睹桓公不可窮以辭，因設之以事，曰：「古之封禪，鄙上之黍，北里之禾，<sup>(二五)</sup>所以爲盛；江淮之閒，一茅三脊，<sup>(二六)</sup>所以爲藉也。東海致比目之魚，<sup>(二七)</sup>西海致比翼之鳥，<sup>(二八)</sup>然後物有不召而自至者十有五焉。今鳳皇麒麟不來，嘉穀不生，而蓬蒿藜莠茂，鴟梟數至，而欲封禪，毋乃不可乎？」於是桓公乃止。是歲，秦繆公內晉君夷吾。其後三置晉國之君，<sup>(二九)</sup>平其亂。繆公立三十九年而卒。

〔一〕正義括地志云：「葵丘在曹州考城縣東南一里五十步郭內，卽桓公所會處也。」

〔二〕索隱案：今管子書其封禪篇亡。

〔三〕**正義**括地志云：「梁父山在兗州泗水縣北八十里。」

〔四〕**正義**韓詩外傳云：「孔子升泰山，觀易姓而王可得而數者七十餘人，不得而數者萬數也。」案：管仲所記自無懷氏以下十二家，其六十家無紀錄也。

〔五〕**集解**服虔曰：「古之王者，在伏羲前，見莊子。」

〔六〕**集解**李奇曰：「云云山在梁父東。」**索隱**晉灼云：「山在蒙陰縣故城東北，下有云云亭也。」**正義**括地志云：「云云山在兗州博城縣西南三十里也。」

〔七〕**索隱**鄧展云「神農後子孫亦稱炎帝而登封者」，律曆志「黃帝與炎帝戰於阪泉」，豈黃帝與神農身戰乎？皇甫謐云炎帝傳位八代也。

〔八〕**集解**徐廣曰：「在鉅平。」**駟案**：服虔曰「亭亭山在牟陰」。**索隱**應劭云「在鉅平北十餘里」。服虔云「在牟陰」，非也。**正義**括地志云：「亭亭山在兗州博城縣西南三十里也。」

〔九〕**索隱**晉灼云「本名茅山」。吳越春秋云「禹巡天下，登茅山，羣臣乃大會計，更名茅山爲會稽」。亦曰苗山也。

**正義**括地志云：「會稽山一名衡山，在越州會稽縣東南一十二里也。」

〔十〕**集解**應劭曰：「山名，在博縣。」晉灼曰：「在鉅平南十三里。」

〔十一〕**索隱**服虔云：「蓋今鮮卑是。」

〔十二〕**正義**括地志云：「孤竹故城在平州盧龍縣南一十里，殷時孤竹國也。」

〔十三〕**集解**韋昭曰：「將上山，纏束其馬，懸鈎其車也。卑耳即齊語所謂『辟耳』」。**索隱**案：山名，在河東大陽。卑讀如字也。齊語，即春秋外傳國語之書也。辟音僻。賈逵云「山險也」。

〔四〕正義 召音邵。括地志云：「召陵故城在豫州郊城縣東四十五里也。」

〔五〕索隱 登熊耳。案：荆州記末陽、益陽二縣東北有熊耳，東西各一峯，狀如熊耳，因以爲名。齊桓公並登之。或云弘農熊耳，下云「望江漢」，知非也。

〔六〕索隱 案左傳，三，謂魯莊十三年會北杏，平宋亂；僖四年侵蔡，遂伐楚；六年伐鄭，圍新城是也。

〔七〕索隱 據左氏傳云，謂莊十四年會于鄆，十五年又會鄆，十六年盟于幽，僖五年會于首止，八年盟于洮，九年會葵丘也。

〔八〕集解 應劭曰：「鄆上，山也。鄆音臞。」蘇林曰：「鄆上，北里皆地名。」索隱 章昭云：「設以不可得之物。」鄆

音臞。應劭云：「光武改高邑曰鄆。」姚氏云：「鄆縣屬常山。」一云鄆上，山名。

〔九〕集解 孟康曰：「所謂靈茅也。」

〔十〕集解 章昭曰：「各有一目，不比不行，其名曰鰈。」索隱 鰈音荅。郭璞云：「如牛脾，身薄，細鱗，紫黑色，只一眼，兩片合乃得行，今江東呼爲王餘，亦曰版魚。」

〔十一〕集解 章昭曰：「各有一翼，不比不飛，其名曰鵄。」索隱 案：山海經云「崇吾之山有鳥，狀如鳧，一翼一目，相得乃飛，名云鵄」。郭璞注爾雅亦作「鵄鵄」。

〔十二〕索隱 三置晉君。案：謂惠公、懷公、文公也。

其後百有餘年，而孔子論述六藝，傳略言易姓而王，封泰山禪乎梁父者七十餘王矣，

其俎豆之禮不章，蓋難言之。或問禘之說，孔子曰：「不知。知禘之說，其於天下也視其掌。」<sup>〔二〕</sup>詩云紂在位，文王受命，政不及泰山。武王克殷二年，天下未寧而崩。爰周德之洽維成王，成王之封禪則近之矣。及後陪臣執政，季氏旅於泰山，仲尼譏之。<sup>〔三〕</sup>

〔二〕集解孔安國曰：「爲魯諱也。」包氏曰：「孔子謂或人言知禘之說者，於天下之事如指視以掌中之物，言其易了。」

〔三〕集解馬融曰：「旅，祭名。禮，諸侯祭山川在封內者。陪臣祭泰山，非禮也。」

是時萋弘以方事周靈王，諸侯莫朝周，周力少，萋弘乃明鬼神事，設射狸首。狸首者，諸侯之不來者。<sup>〔二〕</sup>依物怪欲以致諸侯。諸侯不從，而晉人執殺萋弘。<sup>〔三〕</sup>周人之言方怪者自萋弘。

〔二〕集解徐廣曰：「狸，一名『不來』。」

〔三〕集解皇覽曰：「萋弘冢在河南洛陽東北山上。」

其後百餘年，秦靈公作吳陽上時，<sup>〔二〕</sup>祭黃帝；<sup>〔三〕</sup>作下時，祭炎帝。

〔二〕索隱吳陽，地名，蓋在岳之南。又上云「雍旁有故吳陽武時」，今蓋因武時又作上、下時以祭黃帝、炎帝。

〔三〕集解徐廣曰：「凡距密時二百五十年。」

後四十八年，周太史儋<sup>〔二〕</sup>見秦獻公曰：「秦始與周合，合而離，五百歲當復合，<sup>〔三〕</sup>合十

七年而霸王出焉。」(一)櫟陽雨金，秦獻公自以爲得金瑞，故作畦時櫟陽而祀白帝。(二)

(一)索隱 晉丁甘反。孟康云卽老子也。韋昭案年表，櫟在孔子後百餘年，非老聃也。

(二)索隱 案：大顏歷評諸家，而云周平王封襄公爲諸侯，至昭王五十二年西周君獻邑，凡五百一十六年爲合，亦舉全數。

(三)索隱 合十七年伯王出。自昭王滅周之後至始皇元年誅嫪毐，正一十七年。孟康云：「謂周封秦爲別，秦并周爲合。此襄公爲霸，始皇爲王也。」正義 王，于放反。秦周俱黃帝之後，至非子末別封，是合也。合而離者，謂

非子末年，周封非子爲附庸，邑之秦，是離也。五百歲當復合者，謂從非子邑秦後二十九君，至秦孝公二年五百歲，周顯王致文武胙於秦孝公，復與之親，是復合也。十七年霸王出焉者，謂從秦孝公三年至十九年，周顯王致伯於秦孝公，是霸出也；至惠王稱王，王者出焉。然五百歲者，非子生秦侯已下二十八君，至孝公二年，合四百八十六年，兼非子邑秦之後十四年，則五百歲矣。諸家解皆非也。

(四)集解 晉灼曰：「漢注在隴西西縣人先祠山下，形如種韭畦，畦各一土封。」索隱 漢書藝文志云：「祭人先於隴西西縣人先山，山上皆有土人，山下有時，埒如菜畦，畦中各有一土封，故云時。」三蒼云：「時，埒也。」

其後百二十歲而秦滅周，(一)周之九鼎入于秦。或曰宋太丘社亡，(二)而鼎沒于泗水彭城下。

(一)集解 徐廣曰：「去太史儋言時百二十年。」

(二)集解 爾雅曰：「右陵太丘。」索隱 應劭云：「亡，淪入地也。」案：亡，社主亡也。爾雅云「右陵太丘」。郭璞

云「宋有太丘」。

其後百一十五年而秦并天下。

秦始皇既并天下而帝，或曰：「黃帝得土德，黃龍地螾見。」(一)夏得木德，青龍止於郊，草木暢茂。(二)殷得金德，銀自山溢。(三)周得火德，有赤烏之符。(四)今秦變周，水德之時。昔秦文公出獵，獲黑龍，此其水德之瑞。(五)於是秦更命河曰「德水」，以冬十月爲年首，色上黑，度以六爲名，(六)晉上大呂，事統上法。(七)

(一) 集解 應劭曰：「螾，丘蚓也。黃帝土德，故地見其神。蚓大五六圍，長十餘丈。」章昭曰：「黃者地色，螾亦地物，故以爲瑞。」  
(二) 索隱 出呂氏春秋。晉引。

(三) 集解 蘇林曰：「流出也。」

(四) 索隱 中候及呂氏春秋皆云「有火自天止于王屋，流爲赤鳥，五至，以穀俱來」。

(五) 正義 張晏云：「水，北方，黑。水終數六，故以方六寸爲符，六尺爲步。」

(六) 集解 服虔曰：「政尙法令也。」  
(七) 瓚曰：「水陰，陰主刑殺，故尙法。」

卽帝位三年，東巡郡縣，祠騶驪山，(一)頌秦功業。於是徵從齊魯之儒生博士七十人，至乎泰山下。諸儒生或議曰：「古者封禪爲蒲車，(二)惡傷山之土石草木；埽地而祭，席用菹稭，(三)言其易遵也。」始皇聞此議各乖異，難施用，由此絀儒生。而遂除車道，上自泰山

陽至巔，立石頌秦始皇帝德，明其得封也。從陰道下，禪於梁父。其禮頗采太祝之祀雍上帝所用，而封藏皆祕之，世不得而記也。

〔一〕索隱 驪縣之嶧山。驪縣本邾國，魯穆公改作「鄒」。從征記北巖有秦始皇所勒銘。

〔二〕索隱 謂滑裏車輪，惡傷草木。

〔三〕集解 應劭曰：「稽，禾稷也。去其皮以爲席。」如淳曰：「菹讀曰租。稽讀曰戛。」晉灼曰：「菹，藉也。」

索隱 上音租，下音戛。周禮「祭祀供茅菹」。說文云：「菹，茅藉也。稽，禾稷去其皮，祭天以此。」

始皇之上泰山，中阪遇暴風雨，休於大樹下。諸儒生既絀，不得與用於封事之禮，聞始皇遇風雨，則譏之。

於是始皇遂東遊海上，行禮祠名山大川及八神，求僊人羨門之屬。八神將自古而有之，或曰太公以來作之。齊所以爲齊，以天齊也。〔一〕其祀絕，莫知起時。八神：一曰天主，〔二〕祠天齊。天齊淵〔三〕水，居臨菑南郊山下者。〔四〕二曰地主，祠泰山梁父。蓋天好陰，祠之必於高山之下，小山之上，命曰「時」；〔五〕地貴陽，祭之必於澤中圓丘云。三曰兵主，祠蚩尤。蚩尤在東平陸監鄉，〔六〕齊之西境也。四曰陰主，祠三山。〔七〕五曰陽主，祠之衆。〔八〕六曰月主，祠之萊山。〔九〕皆在齊北，並勃海。七曰日主，祠成山。成山斗入海，〔十〕最居齊東北隅，以迎日出云。八曰四時主，祠琅邪。〔十一〕琅邪在齊東方，蓋歲之所始。皆各

用一牢具祠，而巫祝所損益，珪幣雜異焉。

〔一〕**集解** 蘇林曰：「當天中央齊。」

〔二〕**索隱** 謂主祠天。

〔三〕**索隱** 顧氏案：解道彪齊記云「臨菑城南有天齊泉，五泉並出，有異於常，言如天之腹齊也。」

〔四〕**索隱** 下下者。小顏云：「下下謂最下也。」

〔五〕**集解** 徐廣曰：「一云『之下』(上)時命曰時。」**索隱** 此之「一云」，與漢書郊祀志文同也。

〔六〕**集解** 徐廣曰：「屬東平郡。」**索隱** 監音闕。韋昭云：「縣名，屬東平。」皇覽云：「蚩尤冢在東平郡壽張縣闕鄉

城中。」

〔七〕**索隱** 小顏以爲下所謂三神山。顧氏案：地理志東萊曲成有參山，即此三山也，非海中三神山也。

〔八〕**正義** 括地志云：「之界山在萊州文登縣西北九十里。」

〔九〕**集解** 韋昭曰：「在東萊長廣縣。」

〔一〇〕**集解** 韋昭曰：「成山在東萊不夜，斗入海。不夜，古縣名。」**索隱** 不夜，縣名，屬東萊。案：解道彪齊記云

「不夜城蓋古有日夜出見於境，故萊子立城以不夜爲名」。斗入海，謂斗絕曲入海也。

〔一一〕**索隱** 案：山海經云「琅邪臺在勃海間」。案：是山如臺。地理志琅邪縣有四時祠也。

自齊威、宣〔一〕之時，騶子之徒〔二〕論著終始五德之運，〔三〕及秦帝而齊人奏之，故始皇采用之。而宋毋忌，〔四〕正伯僑，〔五〕充尚，〔六〕羨門高〔七〕最後皆燕人，〔八〕爲方僊道，〔九〕形